

金詩選

四

柳田文庫

文庫11

D 140

4



文庫 11  
D 140  
4



金詩選卷四

無錫顧奎光星五選輯 陶玉禾昆穀參評

元好問 下一百七十五首

南冠行

南冠纍纍渡河關。畢逋頭白乃得還。荒城雨多秋  
氣重。頽垣破屋深茅管。漫漫長夜浩歌起。清涕曉  
枕留餘潸。曹侯少年出紈綺。高門大屋垂楊裏。諸  
房三十侍中郎。獨守殘編北窗底。王孫上客生光

意到筆隨古  
語如自已出  
橫恣逸宏淋  
瀉滿志

金詩選

卷四

南冠行



010190553359

輝竹花不實，鷓鴣飢。絲桐切切解人語，海雲喚得青鸞飛。梁園三月花如霧，臨錦芳華朝復莫。阿京風調阿欽才，暈碧裁紅須小杜。長安張敞號眉嫵，吳中周郎知曲誤。香生春動一詩成，瑞露靈芝滿窗戶。魚龍吹浪三山沒，萬里西風入華髮。無人重典鷓鴣裘，展轉空牀卧秋月。寶鏡埋寒灰，鬱鬱萬古不可開。龍劍出地底，青天白日駭雲雷。層冰千里不可留，離魂楚些招歸來。生不願朝入省暮入臺，願與竹林嵇阮同舉杯。郎食猩猩唇，妾食鯉魚尾。不如孟光案頭一杯水，黃河之水天上流，何物

波瀾相推若無終窮

可煮人間愁，撐霆裂月不稱意。更與倒翻鸚鵡洲，安得酒船三萬斛與君轟醉太湖秋。

游龍山

一氣揮斥縱橫盡意有駿馬下坡之勢自是才力豪橫非可彷彿故拙處皆老率處皆鍊

曩予魏大梁，得交此州雷與劉。自聞兩公誇南山，每恨南海北海風馬牛。老龍面目今日始一見，更信造物工雕鏤。是時山雨晴，平田綠油油。並山涼氣多，况得通深幽。山泉谷口出，迎客石罅戛擊琳琅球。蜿蜒入微行，漸覺藤蘿罨衣屋。打頭惡木拉颯棲，直幹比指稠。石門無風白日靜，自是林響寒颼颼。一峰忽當眼，仰看看不休。一峰一峰千百峰

雖欲一一顧指知無由。金城偃蹇不得上。瑤甍回  
合如相留。苔花萬錦石丹碧。爛不收。天關守虎豹。  
武庫開戈矛。小山隨起隨偃仆。獨立千仞絕頂縹  
緲之飛樓。百花崗頭藉草坐。蕭灑正值金蓮秋。亭  
亭妙高臺。玉斧何年修。登高攬元化。快如鷹脫鞵。  
山靈故為作開闔。巧與詩境供冥搜。白雲何許來。  
織絲弄輕柔。蓬蓬作霧湧。飄飄與煙浮。玉衣仙人  
鞭素蚪。翕忽變化令人愁。須臾視六合。浩蕩不可  
求。初疑陶輪比運甃。今悟夜壑真藏舟。劫石拂未  
窮。杞國浪自憂。斷鰲立極。萬萬古爭遣。起滅如浮

漚。快哉萬里風。一掃天四周。誰言太始弄開闢。日  
馭本自無停輶。舉手謝山靈。就無清涼毫相。非神  
羞賤子。貪名山。客刺已屢投。黃華挂鏡臺。天壇避  
秦溝。太山神明觀。二室汗湯遊。胸中隱然復有此  
大物。便可揮斥八極隘九州。玉峰有佳侶。絕唱須  
一酬。為君探囊擲下珊瑚鈎。白雲相望空悠悠。異  
時華表見老鶴。姓字莫忘元丹丘。

范寬秦川圖

亂山如馬爭欲前。細路起伏蛇蜿蜒。秦川之圖范  
寬筆。來從米家書畫船。變化開闔天機全。濃澹覆

老氣

鍊處挺有  
力

露清而妍。雲興霞蔚。幾千里。著我如在峨眉巔。西  
山盤盤天與連。九點盡得齊州煙。浮雲未清白日  
晚。矯首四顧心茫然。全秦天地一大物。雷雨瀕洞  
龍頭軒。因山分勢。合水力。眼底廓廓無齊燕。我知  
寬也不辨此渠寧。有筆如脩椽。紫髯落落西溪君。  
長劍倚天冠切雲。望之見之不可親。元龍未除湖  
海氣。李白豈是蓬蒿人。愛君恨不識君早。乃今得  
子胸中秦作詩。一笑君應聞。

寄答溪南詩老辛愿敬之

五年不喚溪南渡。日夕心馳洛西路。山中今日見

筆力蒼勁氣  
韻沈雄神似  
少陵不由模  
擬而得

君詩惆悵良辰。又相誤龍蛇大澤。變風景。虎豹天  
門。鬱煙霧。丈夫不合把鉏犁。青鬢無情忽衰素。平  
泉漫作窮愁志。笠澤休題自憐賦。長安正有五侯  
鯖。骭誰能作樓護。青燈老屋深蓬蒿。蝙蝠掠面  
莎雞號。劒歌夜半激悲壯。松風萬壑翻雲濤。區區  
墓上曹征西。我知慙愧玉東臯。人生只有一杯酒。  
螟蛉螺贏安能豪。

西園

西園老樹搖清秋。畫船載酒芳華遊。登山臨水祛  
煩憂。物色無端生暮愁。百年此地旃車發。易水迢

元破金燕都  
焚官室火一  
月不滅金主  
遷都於汴詩  
蓋緣此而作

迨雁行沒。梁門回望。繡成堆。滿面黃沙。爰燕月。爰  
燄一炬。殊可憐。膏血再變。為灰煙。富貴已經春夢。  
後典刑猶在。靖康前。當時三山初奏功。三山宮闕。  
雲錦重。鮮月瓊枝。春色裏。畫欄桂樹。雨聲中秋山。  
秋水今猶昔。漠漠荒煙送斜日。銅人携出。露槃來。  
人生無情。淚沾臆。麗川亭上看年芳。更為清歌盡。  
此觴千古。是非同一笑。不須作賦。擬阿房。

西窗

西窗雨聲千種好。樹影離離動微風。青山滿前掩  
書坐。欲話懷抱無人同。花枝不笑綠鬢改。尊酒自

似此懷抱自  
是無人可會

推重至矣。不  
落痕迹。可悟  
用筆之法。若  
實作比擬語  
便滯。

與黃金空。少年樂事總消歇。落日澹澹天無窮。

聞欽叔在華下

翰林仙人詩酒豪。平生嵇阮參遊遨。山中草棘滿  
霜雪。可惜渠家宮錦袍。聞君忍飢讀離騷。思之不  
見心為勞。舉頭西望忽大笑。太華落落長庚高。

閻商卿還山中

阿卿去月從我來。今日西山成獨往。野人不是城  
中物。澗飲巖棲夢餘想。翰林濕薪爆竹聲。待詔履  
穿沾雪行。蘭臺從事更閑冷。文書如山白髮生。孤  
燈靜照寒窗宿。北風夜半歌黃鵠。田家閉門風雪

深梅花開時。酒應熟。半世虛名不療貧。樓邊零落  
百酸辛。憑君莫向山中說。白石清泉笑殺人。

鄧州城樓

鄧州城下湍水流。鄧州城隅多古丘。隆中布衣不  
復見。浮雲西北空悠悠。長鯨駕空海波立。老鶴叫  
月蒼煙愁。自古江山感游子。今人誰解賦登樓。

游黃華山

黃華水簾天下絕。我初聞之雪溪翁。丹霞翠壁高  
歡宮。銀河下濯青芙蓉。昨朝一游亦偶爾。更覺摹  
寫難為功。是時氣節已三月。山水赤立無春容。湍

空際領起全  
首

實賦水簾承  
摹寫難為工  
向來

聲洶洶。轉絕壑。雪氣凜凜隨陰風。懸流千丈忽當  
眼。芥蒂一洗平生胸。雷公怒擊散飛電。日脚倒射  
垂長虹。驪珠百斛供一瀉。海藏翻倒愁龍公。輕明  
圓轉不相礙。變見融結誰為雄。歸來心魄為動盪。  
曉夢月落春山空。手中仙人九節杖。每恨勝景不  
得窮。携壺重来岩下宿。道人已約山櫻紅。

密公寶章小集

天東長白大寶幢。天河發源導三江。有木蔽映山  
朝陽。云誰巢者雛鳳凰。雲間吐氣日五色。百鳥不  
敢言文章。名都盤盤魏大梁。黃金甲第羅康莊。王

鏗鏘發金石  
煌煌巨篇

家書絕畫亦絕欲與中秘論低昂密公書院無筌  
簧窗明几潔凝幽香元光以後門鑰廢文士稍得  
連壺觴客來喜色浮清揚典衣置酒餘空箱生平  
俊氣不易降眼中俗物都茫茫淵明素琴嵇阮酒  
妙意所寄誰能量在昔武元握乾綱扶桑為弓射  
八荒獵取大國如駟羊民風朴魯資贄彊文洽未  
及武尅剛興陵之孫越王子天以人瑞歸明昌十  
三執經侍帝旁十八健筆陵阿房撐腸文字五千  
卷靈臺架構森鋪張高陽苗裔襲衆芳胡不置之  
貢玉堂袖中正有活國手地下纔得修文郎悲風

蕭蕭吹白楊山零落可憐傷承平故態耿猶在  
拂拭寶墨生輝光恰似如庵連榻坐一甌春露澹  
相忘

荆棘中杏花

墻東荒溪抱村斜荆棘狼籍盤根芽何年丹杏此  
留種小紅濺濺爭春華野人慣見謾不省獨有詩  
客來咨嗟天真不到鈿粉筆富豔自是宮闈花曲  
池芳逕非宿昔蒼苔濁酒同天涯京師惜花如惜  
玉曉檐賣徹東西家杏花看紅不看白十日忙殺  
遊春車誰家園亭有此樹鄭重已著重幃遮阿嬌



即物生悟元  
解清談然不  
捨晉人餘味

新寵貯金屋明妃遠嫁愁清笳落花紫簾拂床席  
亦有飄泊粘泥沙天公無心物自物得意未用相  
陵誇黃昏人歸花不語唯有落月啼棲鴉

蟾池

意有所諷却  
復大雅

老墓食月飽復吐天公一日頻年替下界新增養  
蟾戶玉斧誰憐脩月苦郡國蟾池知幾所碧玉清  
流水仙府小蟾徐行腹如鼓大蟾張頤怒於虎渠  
家肩間有黃乳膏梁大丁正須汝何人敢與月復  
離疾過池頭不容語向來屬私今屬官從今見蟾  
當好看爬沙即上青雲端

高門關

開田向承亂  
餘來田園無  
主有滄桑之  
感

高門關頭霜樹老細路千山萬山繞亂餘村落不  
見人霰雪霏霏暗清曉莘川百里如掌平閑田滿  
眼人得耕山中樹藝亦不惡誰遣多田知姓名許  
李申楊竟何得只今唯有石灘聲

天涯山

九州上游推大鹵獨恨山形頗推魯天涯一峯今  
日看快似昂頭出環堵何年氣母此融結鬼鑿神  
鏡未奇古八窗玲瓏透朝日洞穴慘澹藏雷雨苔  
花錦石粲可喜乞與雲煙相媚嫵半空擲下金芙

金詩選 卷四  
葉想得飛來自玄圃傳聞絕頂更靈異云是清都  
羣王府五雲飛步吾未能風袂冷冷已輕舉東州  
死愛華不注向在陋邦何足數敬亭不著謝宣城  
斷岸何緣比天姥酒船何時朝復暮倒卷滄沱浣  
塵土喚起山靈槌石鼓漢女湘妃出歌舞詩狂他  
日笑遺山飯顆不妨嘲杜甫

王右丞雪霽捕魚圖

江雲澗澗陰晴半沙樹離離點江岸畫中不信有  
天機細向樹林枯處看漁浦移家媿未能扁舟蕭  
散亦何曾白頭歲月黃塵底笑殺高人王右丞

贈別孫德謙

津橋垂楊雪花白挽斷春衫苦留客西湖一雨春  
意濃絕似銅駝洛陽陌湖亭轟醉卧春風到手金  
杯不放空鵲山一帶傷心碧羨殺孫郎馬首東

月觀追和鄧州相公席上韻

月觀知名舊池亭發興偏露涼驚夜鶴風細咽秋  
蟬綠泛兵厨酒紅依幕府蓮無緣逐清景空羨飲  
中仙

太室同希顏賦

壯矣崧維岳盤盤上杳冥中天瞻巨鎮元氣有遺

形兩入秦川。黑雲開楚岫。青鰲掀一柱。在萬古壓坤靈。

送曹吉甫兼及通甫

意氣羨君豪。憐君屈騎曹。安能事筆硯。且復混弓刀。風雪貂裘暗。關山馬骨高。南飛見鴻雁。應為惜哀勞。

少室南原

地僻人煙斷。山深鳥語譁。清溪鳴石齒。暖日長藤芽。綠映高低樹。紅迷遠近花。林間見雞犬。直擬是仙家。

警動

遺山詩有逼近少陵者

洛陽古城曦陽門早出  
乘月出曦陽。黎明轉北崗。荒村自雞犬。長路足豺狼。天地憐飄泊。風霜憶閉藏。微吟訴行役。凄斷不成章。

十二月六日二首

臣騷  
倏鬼跳梁久。羣雄結構牢。天機不可料。世網若為逃。白骨丁男盡。黃金甲第高。閭門隔九廟。休續楚

海內兵猶滿。天涯歲又新。龍移失魚鱉。日食鬪麒麟。草棘荒山雪。煙花故國春。聊城今夜月。愁絕未

歸人

短日

短日磴聲急。重雲雁影深。風霜侵晚節。天地入歸心。零落溝中斷。酸嘶費下音。五年朝與夕。清血幾沾襟。

送母受益自潞府歸崧山

薄俗科名賤。孤生志願違。正須謀獨往。何暇計羣飛。泌水真堪樂。荊州况可依。青山吾舊隱。此日羨君歸。

倪庄中秋

沈至屢有驚心動魄之奇

強飯日逾瘦。袂衣秋已寒。兒童謬相憶。行路豈知難。霜氣入茅屋。溪聲喧石灘。山中夜來月。到曉不曾看。

九月晦日玉村道中

水涸沙仍濕。霜餘草更幽。煙光藏落景。山色露清秋。坐食知何益。行吟只自愁。隨陽見鴻雁。三歎惜淹留。

和仲梁

林影兼秋薄。雲陰帶晚涼。石潭魚近藻。沙渚雁留霜。笑語無長路。登臨豈異鄉。一尊堪共醉。惜不是

藏字露字下得穩切

重陽

丙午九日詠菊

秋菊有何好，祇緣風露清。花中誰比數，霜後獨鮮明。九日惜虛過，一尊還自傾。今年病居士，吟繞更關情。

十字直下

感事

壯事本無取，老謀何所成。人皆傳已死，吾亦厭餘生。潦倒封侯骨，淹留混俗情。百年堪一笑，辛苦惜虛名。

成語入詩鍾  
錘自妙

壬子月夕

明月復明月，今年還遠遊。關河動歸興，時節重離憂。老眼耿無寐，病身偏覺秋。遙憐小兒女，把酒望東州。

秋懷

涼葉蕭蕭散，雨聲虛堂浙。浙掩霜清黃，華自與西風約。白髮先從遠客生，吟似候蟲秋更苦。夢和寒鵲夜頻驚，何時石嶺關頭路。一望家山眼暫明。

帝城

帝城西下望孤雲，半廢晨昏媿此身。世俗但知從仕樂，書生只合在家貧。悠悠未了三千牘，碌碌翻

龍驤不平而  
無劍拔弩張  
之氣

隨十九人預遣兒書報歸日安排雞黍約比隣

春日

里社春盤巧欲爭。裁紅暈碧助春情。忽驚此日仍為客。却想當年似隔生。負裏糞鹽憐節物。亂來歌吹失歡聲。南州剩有還鄉伴。戎馬何時道路清。

橫波亭

孤亭突兀插飛流。氣壓元龍百尺樓。萬里風濤接瀛海。千年豪傑壯山丘。踈星澹月魚龍夜。老木清霜鴻雁秋。倚劍長歌一杯酒。浮雲西北是神州。

野菊座主閑閑公命作

清社

沈著流動

柴桑人去已千年。細菊班班也自圓。共愛鮮明照秋色。爭教狼籍卧踈煙。荒畦斷壠新霜後。瘦蝶寒蛩晚景前。只恐春蕞笑遲暮。題詩端為發幽妍。

穎亭

穎上風煙天地迴。穎亭孤賞亦悠哉。春風碧水雙鷗靜。落日青山萬馬來。勝概消沉幾今古。中年登覽足悲哀。速遊擬續騷人賦。所惜悠悠無酒杯。

山中寒食

小雨班班浥曙煙。平林簇簇點晴川。清明寒食連三月。穎水崧山又一年。樂事漸隨花共減。歸心長

中年句莫至

與雁相先平生最有登臨興百感中來只慨然

留別仲澤

三四似宋人筆意遺山亦時參用宋調然不學其粗遠

避俗無機日見侵逐窮不去巧相尋半生與世未嘗合前日入山唯不深綠水紅蓮慙大府清泉白石識初心相思命駕非君事能寄詩來或賞音

鄭州上致政賈右丞相公

黃閣歸來履舄輕天將五福昇康寧四朝人物推耆舊萬古清風在典刑鄭圃亦能知有道漢庭久欲訪遺經帝城此後瞻依近長傍弧南候極星

寄欽用

點化運用妙在輕新

顛顛京華首當盤南山歸路夜漫漫長門有賦人誰買坐榻無檀客亦寒蟲臂偶然煩造物輦頭何者亦求官故人東望應相笑世路羊腸乃爾難

被檄夜赴鄧州幕府

領聯老健未離宗習五六平淡處却清遠

幕府文書鳥羽輕敝裘羸馬月三更未能免俗私自笑豈不懷歸官有程十里陂塘春鴨鬧一川桑柘晚煙平此生只合田間老誰遣春官識姓名

西齋夜宴

飄零無物慰天涯酒伴相逢飲倍加誤謬君當略彭澤迴旋我亦笑長沙金釵醉彈迎春髻銀燭光

搖半夜花只欠東山游錄事不來豎坐看紛譁

岐陽三首

突騎連營鳥不飛北風浩浩發陰機三秦形勝無  
今古千里傳聞果是非偃蹇鯨鯢人海涸分明虵  
犬鐵山圍窮途老阮無奇策空望岐陽淚滿衣  
百二關河草不橫十年戎馬暗秦京岐陽西望無  
來信隴水東流聞戛聲野蔓有情縈戰骨殘陽何  
意照空城從誰細向蒼蒼問爭遣蚩尤作五兵  
耿耿九虎護秦關懦楚孱齊機上看禹貢土田推  
陸海漢家封檄盡天山北風獵獵悲笳發渭水蕭

與後車駕東狩後即事五首首皆蒼涼沈鬱上布少陵下掩義山致堯  
百二關河草不橫蓋無橫草之固意耳作草木橫者非是  
時金守將李平以潼關降元遂長驅至陝

蕭戰骨寒三十六峰長劍在倚天仙掌惜空閑

壬辰十二月車駕東狩後即事五首

翠被恩恩見執鞭戴盆鬱鬱夢瞻天只知河朔歸  
銅馬又見臺城隋紙為血肉正應皇極數衣冠不  
及廣明年何時真得携家去萬里秋風一釣船  
慘澹龍蛇日鬪爭干戈直欲盡生靈高原水出山  
河改戰地風來草木腥精衛有冤填瀚海包胥無  
淚哭秦庭并州豪傑今誰在莫擬分軍下井陘  
鬱鬱圍城度兩年愁腸飢火日相煎焦頭無客知  
移突曳足何人與共船白骨又多兵死鬼青山元

元攻汴京城中糧盡援絕金主奔河北與太后皇后妃主別大恸遂入歸德此五詩為其時作也時河東襄鄧已失故云并州豪傑今誰在萬里荆襄入戰塵國勢蓋無可為矣



速不臺攻城  
日急元帥崔  
立以城降元  
速不臺至青  
城受降遺山  
時為左右司

有地行仙西南三月音書絕落日孤雲望眼穿  
萬里荆襄入戰塵汴州門外即荆榛蛟龍豈是池  
中物蟻蝨空悲地上臣喬木他年懷故國野煙何  
處望行人秋風不用吹華髮滄海橫流要此身  
五雲宮闕露盤秋銀漢無聲桂樹稠復道漸看連  
上苑戈船仍擬下揚州曲中青冢傳新怨夢裏華  
胥失舊遊去去江南庾開府鳳凰樓畔莫回頭

癸巳四月二十九日出京

塞外初捐宴賜金當時南牧已駸駸只知灞上真  
兒戲誰謂神州遂陸沈華表鶴來應有語銅槃人

去亦何心興亡誰識天公意留著青城閱古今

淮右

淮右城池幾處存宋州新事不堪論輔車謬說通  
吳會突騎誰當擣薊門細水浮花歸別澗斷雲含  
雨入孤村空餘韓偓傷時語留與纍臣一斷魂

秋夜

九死餘生氣息存蕭條門巷似荒村春雷謗說驚  
坏戶皎日何曾入覆盆濟水有情添別淚吳雲無  
夢寄歸魂百年世事兼身事尊酒何人與細論

三仙祠

賁外郎亦與  
送款之列繼  
而崔立以後  
如宗室等送  
赴青城速不  
臺入汴口四  
月事也  
遺山詩每全  
用杜句蓋熟  
極後不覺耳  
此全用致堯  
語而結處明  
點出另是一  
體  
此為汴京之  
難言之郝伯  
常有辨磨甘  
露碑詩可考

未休時見零  
落可恨

三仙祠下往來頻憔悴征衫滿路塵  
簫鼓未休寒食酒樵蘇時見舊都人  
吹殘芳樹紅仍在展破平田綠已勻  
西北并州隔千里幾時還我故鄉春

眼中

反對巧甚

眼中時事益紛然擁被寒窗夜不眠  
骨肉他鄉各異縣衣冠今日是何年  
枯槐聚蟻無多地秋水鳴蛙自一天  
何處青山隔塵土一庵吾欲送華顛

衛州感事二首

金主濟河遺  
白撒攻衛州  
至城下以御  
旌招之城  
中

神龍失水困蜉蝣一舸倉皇入宋州  
紫氣已沈牛斗夜白雲空望帝鄉  
秋劫前寶地三千界夢裡瓊

不應與元戰  
潰於白公廟  
金主遂夜登  
舟濟河走歸  
德

枝十二樓欲就長河問遺事悠悠東注不還流  
白塢亭亭古佛祠往年曾此走京師不知江令還  
家日何似湘纍去國時離合興亡遽如此棲遲零  
落竟安之太行千里青如染落日闌干有所思

羊腸坡

浩蕩雲山直北看凌兢瘦馬不勝鞍  
老來行路先愁遠負裏辭家更覺難  
衣上風沙歎憔悴夢中燈火憶團圓  
憑誰為報東州信今在羊腸百八盤

外家南寺

鬱鬱秋梧動晚煙一庭風露覺秋偏  
眼中高岸移

律句不可作  
板對遺山渾

真至

鬱鬱秋梧動晚煙

一庭風露覺秋偏

眼中高岸移

浩流轉獨不為律所縛其對句每出意外

深谷愁裏殘陽更亂蟬去國衣冠有今日外家梨栗記當年白頭來往人間徧依舊僧窗借榻眠

再到新衛

蝗旱相仍歲已荒伶俜十口值還鄉空令姓字喧時輩不救飢寒趨路傍行帳馬嘶塵瀆洞空村人去雨淋浪河平千里筋骸盡更欲驅車上太行

野菊再奉座主閑閑公命作

晚景蕭疎畫不成晚花作意出繁英鮮明獨向霜露見爛燭却隨蒿艾生南國騷人知有待西風蝴蝶更多情南山正在悠然處安得芳樽與細論

鮮明句見時晚也爛燭句見寡與也自有寄托不但賦物

李長源 四哀詩之一

冀都事死東州禍李翰林亡陝府兵方為騷人箋楚些更禁詩客隋秦坑石苞本不容孫楚黃祖安能貸禰衡同甲四人三橫實此身雖在亦堪驚

杏花

芳樹春融絳蠅凝春風窈窕掩柴荆畫眉盧女嬌無奈齟齬孫娘笑不成已怕宿粧添蝶粉更堪暖蕊開蜂聲一般踈影黃昏月獨愛寒梅恐未平

隱亭同麻知幾賦

零落棲遲復此遊一尊聊得散羈愁天圍平野莽

溫麗似唐結尤婉約有遠韻

無際水繞孤城，閑不流。柳意漸迴，淮浦暖，雁聲仍帶。塞門秋登，高望遠，令人起欲買煙波無釣舟。  
示崔雷詩社諸人

一寸名場心已灰，十年長路夢初回。江山自許供詩筆，糜粥何能到酒杯。賣劍買牛真得計，腰金騎鶴恐非才。游從肯結雞豚社，便約歲時相往來。

出都二首

漢宮曾動伯鸞歌，事去英雄不奈何。但見觚稜上金爵，豈知荆棘卧銅駝。神仙不到秋風客，富貴空悲春夢婆。行過盧溝重迴首，鳳城平日五雲多。

金以大興府為中都，今順天府治也。此應出中都之作。時金已亡，故語極悽楚。

歷歷興亡敗局，碁登臨疑夢復疑。非斷霞落日天無盡，老樹遺臺秋更悲。滄海忽驚龍穴露，廣寒猶想鳳笙歸。從教盡刻瓊華了，留在西山儘淚垂。

甲辰三月旦日以後雜詩三首

應接紛紛又決旬，枉教虛負杏園春。尋芳自分無閑日，載酒寧知有故人。花柳得時俱作態，川原經雨更無塵。憑君莫惜尊前醉，看取青梅入座新。  
澌澌猩紅鬧曉晴，攢頭直似與春爭。舒開楊柳聊相映，瘦殺寒梅枉自清。粉艷低回工作態，絳唇寂寞獨含情。畫圖只愛殘妝好，未信徐郎解寫生。

密霧輕塵細洒勻。綠雲紅雪一番新。風光爛熳供  
歡席。酒味清醇似主人。落落湖山如有喜。欣欣魚  
鳥亦相親。新詩寫入奚奴錦。從此他鄉不算春。

過三鄉望女几村追懷溪南詩老辛敬之二

首

雲際虛瞻處士星。紫頭多負讀書螢。筆端有口傳  
三篋。石上無禾養百齡。從昔葛陂終變滅。祇今韓  
嶽漫英靈。因君重為前朝惜。枉破青衫買一經。  
萬山青繞一川斜。好句真堪字字誇。棄擲泥塗豈  
天意。折除時命是才華。百錢卜肆成都市。萬古詩

才華能折除  
時命是劫論

却不易之理

壇子羨家欲就溪南問遺事。不禁哀涕落煙霞。

寄劉繼先

清霜茅屋耿無眠。坐憶分攜一慨然。楚客登臨動  
歸興。謝公哀樂感中年。淒涼古驛人煙外。迤邐荒  
山雪意遠。千樹春風水楊柳。待君同繫晉溪船。

贈荅同年敬鼎臣

四海屏山放一頭。爭教塵土走東州。長身奉米侏  
儒飽。束髮從軍妾尉侯。千首新詩工作祟。百壺清  
酒未消憂。悠悠世事今如此。付與煙波著釣舟。

寄荅商孟卿

金詩選

卷四

七

冷須句刻阴  
勝下句

窈渺朱絃寂寞心。得詩何啻得南金。冷猿挂夢山  
月暝。老雁叫羣江渚深。異縣五年仍隔濶。荒城連  
日想登臨。書來且只平安了。撥觸離愁恐不禁。

東園晚眺

霜鬢蕭蕭試鑷看。怪來歌酒百無歡。舊家人物今  
誰在。清鏡功名歲又殘。楊柳挽春出新意。小梅留  
雪弄餘寒。一詩不盡登臨興。落日東園獨倚欄。

晉溪

石磴雲松著色屏。岸花汀草展江亭。青瑤疊甃通  
懸甕。白玉雙龍掣迅霆。地脉何嘗間今昔。尾閭真

鑊刻處不入  
小家

曾身遊晉祠  
乃知二語之  
工

解。泄滄溟。乾坤一雨兵塵了。好就川妃問乞靈。

同嚴公子大用東園賞梅

東閣官梅要洗妝。青雲公子不相忘。翰林風月三  
千首。樂府金釵十二行。佳節屢從愁裏過。老夫聊  
發少年狂。花行更比梳行好。誰道并州是故鄉。

送李同年德之歸洛西二首

千佛名經有幾人。棲遲零落轉情親。承平盛集今  
無復。衰樂中年語最真。衣上緇塵元自化。鏡中白  
髮為誰新。水南水北相逢在。剗醉醱醱十日春。  
亡。奈流光冉冉何。逢君聊得慰蹉跎。飛黃老去空

成語一經  
鑄便如已出

金言選 卷四  
奇骨拙燕歸來只舊窠舉世盡從愁裏過一尊獨  
愛醉時歌洛中定有人相問休道今年白髮多  
人日有懷愚齋張兄緯文

書來聊得慰懷思清鏡平明見白髮明月高樓燕  
市酒梅花人日草堂詩風光流轉何多態兒女青  
紅又一時澗底孤松二千尺殷勤留看歲寒枝

洛陽高少府瀍陽後庵

溪上弄明月風露發新警心空無一塵萬竹掃秋  
影

一水隨人意疏畦復芋溝風波河洛近莫放出山

意深

流

山居雜詩六首

瘦竹藤斜挂幽花草亂生林高風有態苔滑水無  
聲

石潤雲先動橋平水漸過野陰添晚重山意向秋  
多

樹合秋聲滿村荒暮景閑虹收仍白雨雲動忽青  
山

川迥楓林散山深竹港幽踈煙沉去鳥落日送歸  
牛

金詩選

卷四

七

漲落沙痕出隄摧岸口斜。斷橋堆聚沫。高樹閣浮

槎。鷺影兼秋靜。蟬聲帶晚涼。陂長留積水。川濶盡斜

陽。

論詩三十首

此首總起

漢謠魏什久紛紜。正體無人與細論。誰是詩中疏

越石蒼渾然。頗累重終非。曹劉敵手。

鑿手。暫教涇渭各清渾。曹劉坐嘯虎生風。四海無人角兩雄。可惜并州劉

越石不教橫槊建安中。鄴下風流在晉多。壯懷猶見鐵壺歌。風雲若恨張

華少温李新聲奈爾何。

一語天然萬古新。豪華落盡見真淳。南牕白日羲

皇上未嘗淵明是晉人。

縱橫詩筆見高情。何物能澆魂。磊平老阮不狂誰

會得出門一笑大江橫。

心畫心聲總失真。文章寧復見為人。高情千古閑

居賦。爭信安仁拜路塵。

慷慨歌謠絕不傳。穹廬一曲本天然。中州萬古英

雄氣也到陰山敕勒川。

沈宋橫馳翰墨場。風流初不廢齊梁。論功若准平

嗣宗咏懷。不特詩筆似漢人。其寄托處。不易會得。文章人品。分爲兩途。不相照應。此以言取人。所以多失。安仁偶沾及耳。

唐詩復古首。推子昂。



吳例合著黃金鑄子昂

鬪靡誇多費覽觀陸文猶恨冗於潘心聲只要傳  
心了布穀瀾翻可是難

排比鋪張特一途藩籬如此亦區區少陵自有連  
城壁爭奈微之識砒砒

眼處心生句自神暗中摸索總非真畫圖臨出秦  
川景親到長安有幾人

望帝春心托杜鵑佳人錦瑟怨華年詩家總愛西  
崑好獨恨無人作鄭箋

萬古文章有坦途縱橫誰似玉川盧真書不入今

排比鋪張是元白佳處少陵妙處正在脫去排比鋪張之跡耳

義山詩若句向作解轉恐鑿空錦瑟一詩人各異說不如無箋為愈

人眼兒輩從教鬼畫符

出處殊途聽所安山林何得賤衣冠華歆一擲金

隨重大是渠儂被眼謾

筆底銀河落九天何曾憔悴飯山前世間東抹西

塗手枉著書生待魯連

切切秋蟲萬古情燈前山鬼淚縱橫鑑湖春好無

人賦岸夾桃花錦浪生

切響浮聲發巧深研磨雖苦果何心浪翁水樂無

宮徵自是雲山韶濩音

東野窮愁死不休高天厚地一詩囚江山萬古潮

陽筆合在元龍百尺樓。

萬古幽人在澗阿百年孤憤竟如何無人說與天

隨子春草輸贏較幾多。

謝客風容映古今發源何似柳州深朱絃一拂遺

音在却是當年寐冥心。

窘步相仍死不前唱疇無復見前賢縱橫正有凌

雲筆俯仰隨人亦可憐。

竒外無竒更出竒一波纔動萬波隨只知詩到蘇

黃盡滄海橫流却是誰。

曲學虛荒小說欺俳諧怒罵豈時宜今人含笑古

柳州似謝不似陶

此言摹擬步驟之失

江西一派迄於宋亡蘇黃不作罪魁持湖其發源處耳古人破却萬

卷而擇之必精不似後人

拉雜堆砌

此遺山得之

王中立者

詩辨骨刀標

格是第一金

針

蘇詩取材極博亦不免雜說得深婉

遺山不肯學江西此首可

人拙除却雅言都不知

有情芍藥含春淚無力薔薇臥晚枝拈出退之山

石句始知渠是女郎詩

亂後玄都失故基看花詩在只堪悲劉郎也是人

間客枉向春風怨免葵

金入洪爐不厭頻精真那許受纖塵蘇門果有忠

臣在肯放坡詩百態新

百年纔覺古風迴元祐諸人次第來諱學金陵猶

有說竟將何罪廢歐梅

古雅難將子美親精純全失義山真論詩寧下涪

見

池塘春草妙句天成不必盡由刻琢

此首總結

翁拜未作江西社裏人

池塘春草謝家春萬古千秋五字新傳語閉門陳正字可憐無補費精神

撼樹蚍蜉自覺狂書生技癢愛論量老來留得詩千首却被何人校短長

論詩三首

坎底鳴蛙自一天江山放眼更超然情知春草池塘句不到柴煙糞火邊

詩腸搜苦白頭生故紙塵昏枉乞靈不信驪珠不難得試看金翅擘滄溟

不是愛惜金針正要人從繡履看取

暈碧裁紅點綴勻一回拈出一回新鴛鴦繡了從教看莫把金針度與人

自題中州集後五首

鄴下曹劉氣儘豪江東諸謝韵尤高若從華實評詩品未便吳儂得錦袍

陶謝風流到百家半山老眼淨無花北人不拾江西唾未要曾郎借齒牙

萬古騷人嘔肺肝乾坤清氣得來難詩家亦有長沙帖莫作宣和閣本看

文章得失寸心知千古朱絃屬子期愛殺溪南辛

中州詩正坐染江西習氣能擺脫者無幾人特其警健挺拔處骨力自高莫被遺山瞞過

老子相從何止十年遲  
平世何曾有裨官  
亂來史筆亦燒殘  
百年遺藁天  
留在抱向空山掩淚看

自題二首

共笑詩人太瘦生  
誰從漆澹得經營  
千秋萬古迴  
文錦只許蘇娘讀得成  
千首新詩百首文  
藜羹不糝日欣欣  
鏡中自照心  
語口後世何須揚子雲

文湖州草蟲為劉使君賦

造物無心筆有神  
翩翩飛動百年新  
蟲魚瑣細君

文章千古得  
失寸心不必  
求知索解位  
置極高而用  
筆極婉

寓意深婉

休笑學會屠龍老  
却人

惠崇蘆雁

寒沙折葦靜相依  
故國春風早晚歸  
意外羈棲誰  
畫得羽毛單薄稻梁微

步虛詞三首

閬苑仙人白錦袍  
海山宮闕醉蟠桃  
三更月底鸞  
聲急萬里風頭鶴背高  
萬神朝罷出通明  
和氣歡聲滿玉京  
見說人間有  
新異綠章封事奏昇平  
琪樹明霞碧落宮  
歌音嫋嫋度冷風  
人間聽得霓

金詩選 卷四  
裳慣猶恐釣天是夢中

長壽山居元夕

微茫燈火共荒村。黃葉湯湯雪擁門。三十九年何限事。只留孤影伴黃昏。

山居二首

斜陽高樹挂晴虹。蕭蕭微涼雨氣中。一道鷺鷥花不斷。密香吹滿馬頭風。

詩腸搜苦怯茶甌。信手拈書却枕頭。簷溜滴殘山院靜。碧花紅穗媚涼秋。

自鄧州幕府暫歸秋林

升斗微官不療飢。中林春雨蕨芽肥。歸來應被青山笑。可惜緇塵染素衣。

俳體雪香亭雜詠十五首

滄海橫流萬國魚。茫茫神理竟何如。六經管得書生下。潤劍長鎗不信渠。

洛陽城闕變灰煙。暮掃朝虞只眼前。為向杏園雙燕道。營巢何處過明年。

落日青山一片愁。大河東注不還流。若為長得熙春在。時上高臺望宋州。

醇和旁近洞房環。碧瓦參差竹木閑。批奏內人輪

憤語出以快諧

即瞻鳥爰止之意

金言選 卷四 上直去年名姓在窗間

天上三郎玉不如手中白雨趁花奴御屏零落宣和筆留得華清按樂圖

詩僊詩鬼不謾欺時事先教夢裏知禁苑又經人物散荒涼臺榭水流遲

金縷歌詞金曲卮百年人事鬢成絲重來未必春風在更為梨花住少時

楊柳隨風散綠絲桃花臨水弄妍姿無端種下青青竹恰到湘君淚盡時

琵琶心事曲中論曾笑明妃負漢恩明日天山

感時難淚恨別驚心語短緒長低徊掩抑於流□之中極淒涼之致

下路不須回首望都門

爐薰浥浥帶輕陰翠竹高梧水殿深去去羶車雪三尺畫羅休鏤麝香金

羅綺深宮二十年更持桃李向誰妍人生只合梁園死金水河頭好墓田

苦才多思是春風偏近驛人悵望中啼盡杜鵑枝上五海棠明日更應紅

暖日晴雲錦樹新風吹雨打旋成塵宮園深閉無人到自在流鶯哭暮春

萬戶千門盡有名眼中歷歷記經行賦家正有燕

城賦一段傷心畫不成  
暮雲樓閣古今情地老天荒恨未平  
白髮纍臣幾人在就中愁殺庾蘭成

記夢

天上材官老不材從教兀兀走塵埃  
夢中望拜通明殿曾見金書兩字來

倫鎮道中見槐花

名場奔走競官榮一紙除書悞半生  
笑向槐花問前事為君忙了竟何成

初挈家還讀書山雜詩

亦有意致

并州一別三千里滄海橫流二十年  
休道不蒙稽古力幾家兒女得安全  
天門筆勢到閑閑相國文章玉笋班  
從此晉陽方志上繫舟山是讀書山

江亭會飲

瓦盆濁酒憶同傾鄉社豐年有笑聲  
世外華胥誰復夢且從圖畫看昇平

黃華峪絕句

絕壁孤雲仔細看雲間龍穴想高寒  
碧欄寸寸橫秋色空對山靈說到難

從圖畫看昇平傷亂思治之意深矣

采菊圖

夢寐煙霞卜四鄰，爭教晚節傍風塵。詩成應被南山笑，誰是東籬采菊人。

東平李漢卿草蟲卷

過眼千金一唾輕，畫家无有老書生。草蟲莫道空形似，正欲爾曹鳴不平。

益都宣撫田侯器之燕子圖詩傳本已亥秋

七月余得於馮翊宋文通家會侯之子仲新自燕中来隨以歸之仲新為余言兵間故物一失無所復望乃今從吾子得之煥

落想妙

二首皆有致而不如速之蘊藉

若神明頓還舊觀似非偶然者方謁時賢以嗣前作幸吾子發其端因賦三詩丙午春三月河東元某謹題

紅綫還驚掌上，看十年音息海漫漫。渠家王謝堂前慣，暗認曹劉可是難。  
古錦詩囊半陸沉，吳楓句好入江深。世間妾婦爭相妬，禽鳥區區却賞音。  
才氣田侯絕世奇，山丘零落更堪悲。休驚燕子詩留在，化鶴歸來未可知。

三鄉雜詩



是截句正體  
蓋本是律詩  
從中截然而  
止便得有餘  
不盡之意未  
二句用對最  
合

金言選

卷四

五

夢寐滄洲爛熳遊。西風安得釣魚舟。薄雲樓閣猶  
烘暑。細雨林塘已帶秋。

尖新秋意晚晴中。六尺筠枝滿袖風。草合斷橋通  
暗綠。竹搖殘照漏疎紅。

岳山道中

野禾成穗石田黃。山木無風雨氣涼。流水平崗儘  
堪畫。數家村落更斜陽。

雪岸鳴鶴

離離殘雪點荒藜。更看幽禽慘澹中。笑殺畫簾雙  
燕子。秋千紅索海棠風。

春風句。擬詩  
悟境亦即於  
羊挂角無迹  
可求意

周才卿拙庵

詩筆看君有悟門。春風過水略無痕。庵名未便遮  
藏得。拙裏元來大巧存。

乙卯二月二十一日歸自汴梁二十五日夜  
久旱而雨偶記內鄉一詩追錄於此今三  
十年矣

桑條沾潤麥溝青。軋軋車闌曉晴。老眼不隨花  
柳轉。一犁春事最關情。

留贈丹陽王鍊師三章

信得人間比夢間。一卮芳酒且開顏。當時笑伴今

誰在詩客淒涼飯顆山

爛醉玄都有舊期百年人事不勝悲桃花一簇開

無主留著東風與兔葵

弊盡貂裘白髮新京華旅食記前身僊翁相見休

相笑同是邯鄲枕上人

金詩選卷四

皇和文化三年秋八月

館機樞卿校字

48-13437

文化四年丁卯秋八月發行

元詩選

清本翻刻  
全部八冊

嗣出

神田鍋町

英

平吉

神田鍛冶町

北

島長四郎

本町二丁目

須原屋孫

七

本銀町三丁目

須原屋善五郎

江戸書林

